

水樂重刻茅山志卷數 此七卷乃張文魚藏本所有較今舊藏元

卷一五 卷二下 卷四 卷五 卷六 卷七 卷八

卷一五卷二下元刻五十五板 卷三卷七卷八元刻五十五板 卷九元刻五十五板

缺之四〇五〇〇 卷 圖出者 金藏本所有

卷十三元刻五十五板 凡元刻元印百十三板 永樂刻五十五板

缺十二卷三十四十五 十三卷元利有

補抄卷十三卷三十四十五 卷十四卷十五元刻五十五板 凡元刻元印百十三板

六硯齋筆記茅山舊志前元四十五代宗師劉大彬編
句曲外史張伯雨手書刻之甚精國初燬於火

據六硯齋筆記此本的
屬句曲外史手寫付梓
者雖吉光片羽元宜珍
卷一五卷二下卷三

元板茅
山志

茅山志序

皇慶改元

制賜茅山四十五代宗師劉大彬洞觀微妙玄應真人後五年
褒封三茅真君徽号各加二字曰真應曰妙應曰神應仍
勅三峯為觀曰聖祐曰德祐曰仁祐明年傳壇之玉印久湮
至是復出有司上其事奉

自嘉昇本山於是

渙渥沓臻靈應挺瑞神人以和凡經錄棟宇百廢之宜錫治
繕完者宗師得以悉其心力焉又病夫山志前約而後闕也
乃屬諸入室弟子彙集成書來徵予序閱其所載
詔詰之隆仙真之異洞府之邃壇錄之傳人物之偉樓觀之
盛山水之清草木之秀碑刻之紀題詠之工莫不昭分類析
繁然大備按茅山本句曲山第八華陽洞天第一地肺福地

漢茅君品季栖遁餐晨于此山曰氏茅迨晉魏元君大暢厥
緒真風靈蹟綿延鬱為寰宇之名山神靈之區奧也
皇元治尚清靜自版圖歸職方氏主壇席者徵至
關下優降

重書金湯其教至宗師始顯被

恩敷度越前躡於戲懿哉蓋山川之氣發舒於休息既久亦
宗師之道行升聞寂通之妙其在斯乎顧山志不可不輯而
不貲不可无述也昔唐玄宗問理化於李玄靜玄靜對曰道
德經君王之師也漢文帝行其言仁壽天下又諮以金鼎曰
道德公也輕舉公中之私耳後之人盡體玄靜之格言踵宗
師之誠感則庶幾休應是又可續志與茲山為无窮也
泰定甲子日南至集賢大學士光祿大夫西秦趙世延序

欽惟

皇元之有天下也首崇清靜之道以開泰平之基是以方外
祠臣特蒙簡注恩輝炫焯表章山林著不著為成書後世何
以考見顧余斯語名山實聞至大庚戌予以紀事至茅山因
閱其山之舊志遺闕甚多嘗以語之四十四代宗師牧齋王真
人未幾真人傳真山志无所聞後五年復紀其山又以證之
嗣宗師劉真人又三年為泰定丙寅

今天子用故事醺其山予實代禮始獲觀其成書凡十有五卷自漢晉而下及齊梁唐宋之書搜括无遺噫何其詳哉其首篇曰誥副墨則

國朝所封三真君制詞三峯觀賜額勅書具在皆予所奏請者其末篇曰雜著則有

仁皇用先開府張公所奏還賜王章始末嗚呼是書前後凡

二十年始成仙靈誠有所待耶不然

國朝褒封錫額還賜王章諸異恩又將補闕拾遺於成書之後作者不无憾焉平章趙公既爲之序予嘉是書之傳有盜斯道而予言之勉成者不徒然也故爲之書

泰定丁卯春正月特進上卿玄教大宗師吳全節序



茅山志叙錄

句曲有記尚矣宋紹興二十年南豐曾惇字仲昭臺道士補
霄子曰脩山記四卷所書山水祠宇粗錄名号而已考古述
事則猶略焉大抵登壇一紀始克脩證傳宗經錄又五載而
成是書凡十二篇十五卷題曰茅山志載惟茲山稟靈異於開
闢之初應帝王於虛无之表夏禹巡幸秦始登崇漢元壽二
年太帝九錫茅君曰日神仙其名益大顯于天下及晉宋經
道之興梁唐尊尚之薦真人道士代為帝者師龍文鳳札積
如雲霞慨乎年世曠邈重書罕存追錄見聞百餘一二洎我
皇元混一區宇

世祖聖德神功文武皇帝首降

明詔召嗣宗師蔣君宗瑛詣闕繇是

累朝大護其教迺延祐三載加号三君改觀三峯光掩前古

聖人以神道設教有自來矣作誥副墨第

加封明詔若曰茲山之靈以氏為号茅君真胄蓋先傳焉按登
真隱訣真傳例列聖道君稱紀餘真稱傳夫以三茅秦漢道
君今日下土仰述聖蹟何得稱傳作三神紀第二金壇華陽
洞天金陵地肺福地桐柏真人所謂養真之福境成神之靈
墟雖百世可知也集諸山水洞穴作括神區第三觀方平海中
揚塵之論令威華表去家之語是知仙聖按行民間亦嘗吐
咄古今之異玄蹤所在不与陵谷遷變者幾希作稽古蹟第四
上清經法下教出世始晉興寧二年紫虛魏元君降授瑯琊王
公府舍人楊君作繚字寫出以傳護軍長史許君父子其圖繚
秘非盟晚不傳今疏篇目使學真之子略見曉焉書論附名
其左作道山冊第五初元始七傳而至紫虛自紫虛積于今
十五代苟非其人道不虛行河東柳識故方道門華陽亦儒門

沫泗作上清品第六劉向云天有神司仙人充之洞宮官僚自
真誥玄通記傳出時運變易應有遷補譬如同禮漢儀不復
相同神道幽遠非世所知作仙曹署第七山源曲而有容高南
求志之士栖遁其間不可殫紀所采古今卓行之著明者若
夫深晦無為潛升景景則昌得而名作采真將第八魏晉六
朝館宇散居林麓唐宋始勅改宮觀之盛奉祠祝

釐此其地也作樓觀部第九丹砂寶氣金玉華津人服之而
引年易質其清潤積久發於芝英草木神異而靈長信物
理之固然作靈植檢第十碑銘書刻載道之舟車也真人手
澤猶得模楷而立德立功立言者文亦在茲乎作錄金石第十一
古人采詩蓋有闡名教山中賦詠散逸既多此皆絕妙好辭是
麗於飛空謠歌之末作金薤編第十二終焉是志之作不問今
昔一行一言錄其至善其或傳事謠謔撰辭蕪惡如指植記一
之屬元

目錄

所取非脫遺也於戲太史公稱天下名山南華稱博真人若
句曲無二者蓋千數百年纂懿流光未有若斯之盛者也後
之學士无狹其所居无厭其所生无小无大壹是皆以清靜
為本尚有徵於斯文哉

大元天曆元年歲在戊辰十二月二日嗣上清經錄四十五代
宗師洞觀微妙玄應真人劉大彬序

茅山志誌副墨第一篇上卷之第一

漢詔誌

齊梁詔誌

唐詔誌

茅山志誌副墨第一篇下卷之第二

宋詔誌

大元詔誌

茅山志三神紀第二篇卷之第三

茅君真霄

茅山志括神區第三篇卷之第四

山岡龍附

水

洞 岩穴附

石壁橋亭

茅山志稽古蹟第四篇卷之第五

壇井池臺

茅山志道山冊第五篇卷之第六

道經

圖錄

道書

茅山志上清品第六篇卷之第七

聖師七傳

宗師四十五傳系代虛其左方

茅山志仙曹署第七篇卷之第八

男真

女仙

茅山志采真游第八篇卷之第九

高士

女官

茅山志樓觀部第九篇卷之第十

宮觀

山房

菴院

茅山志靈植檢第十篇卷之十一

神芝奇藥

名水異卉

茅山志錄金石十一篇上卷之十二

梁碑

唐碑

茅山志錄金石十一篇下卷之十三

宋碑

大元碑

茅山志金薤編十二篇上卷之十四

齊梁詩

唐詩

茅山志金薤編十二篇下卷之十五

宋詩

大元詩

雜著終

茅山志諸葛墨第一篇上卷之第一

上清嗣宗師劉大彬造

法詔

漢孝帝元壽二年太歲庚申八月十八日己酉

天皇大帝授茅君九錫玉冊文

惟盈虛挺遠朗幽眇玄爰自童蒙微髮北山靜心林澤積思求神登峻履谷艱尋師門擲形絕寧授軀万津丹誠率往肆其天然遂造明匠迺受靈篇翦髮視瞻殘首截身帶索自樂不恥飢寒所適唯道所保以真情昭上帝感激太玄今敬授盈位為太元真人領東岳上卿司命神君

君平心格正秉操金石丹心矯衆栖神高映今故報以玉錢綠旌八威之榮使征伐邪源折衝萬神其一君寒凍林谷味玄仰真思激窮幽感心精誠今故報以紫旆之節藉敷華冠

卷二 諸葛墨

使君拾靈千靈封山台雲其二君棄家獨往離親樂仙契潤輪試冬裡山川今故報以繡羽紫帔丹青飛帟使君從容霄階携命玉真其三君步驟林藪履危危心耿志尚曾不憚憚今故報以斑龍之輿素席之軒使以浮雲太空飛輪帝庭其四君披襟併景寒露霜雪心求明真不戰不慄今故報以曲晨寶蓋瓊闌綠室使游盼九宮靜神溫密其五君遠遁秀榮无疲於心潛形幽岳精思万林今故報以執神流火霞珠月明可以上聞太極通音上清其六君貞心高靜淫累不經素挺皓暎内外坦平今故報以錦旌繡幡白羽玄竿可以呼台六陰至女侍軒其七君慈向卑物陰德万生蠢動之毛皆念經營今故報以鳳鸞之嘯金鐘玉磬可以神虛館樂真辭靈其八君飢渴養神艱辛求真万物不能致其感干邪不能毀其淳今故報以紫琳之醴玉潔金罍可以壽同三光刻

簡丹璫也其九君標領清玄紫緋八映心暉重離神曜太霞
寶真人之長者故以太元為号九德既備積感太微天人虛
因不期同歸今酬九事以報往懷君心神方朗四靈所極丹
真盛煥秉直不回正任全固鑒无照微今屈宰上卿極括東
岳又加司命之主以領錄圖籍給玉童玉女各四十人以出
入太微受事太極也治宮赤城玉洞之府盈其蒞之動靜以
聞

永始三年歲在丁未

太上遣寶紫素之書榮中君文曰

太上有命天真書言咸陽茅固家于南關厥字季偉受為當
仙位為空錄無統地真使保舉有道年命相關動恭所蒞四
極法全宮館洞臺治丹陽句曲之山固其勛之動靜察聞
紫素榮小君文曰

盈固弟秉挺素該清雖晚及正思微微誠斷載六天才額標
明今屈司三官保命達名括括咸宗領死記生位為地仙九
宮之英勸教童蒙開導方成教訓女官授諸妙靈治法百鬼
典崇校精關察水源江河流傾封掌金谷藏錄玉操監植龍
芝洞草夜光治良常之山帶北洞之口鎮陰宮之門表其勉
之動靜以聞

右文梁普通三年刻石華陽南洞九錫碑見錄金石篇

齊梁詔語 宋齊時

齊武帝卷陶隱居入山詔

卿遠累卻粒尚想清靈山中閒靜得性所樂當善遂嘉志也
若有所須便可以聞仍賜帛十疋燭二十挺

又別勅
朕月給上拔苓五斤白蜜二斗以供服餌

隱居辭官表

臣聞堯風沖天顓陽振飲河之談漢德括地商陰峻餐
芝之氣臣樞遲早日簪帶久年仕豈留榮學非待祿恒
思聯綴象闕孤耕龍下席月潤門橫琴雲際始奉中恩
得遂丘壑今便減繁往建神交松友一出東關故鄉就
望微言與念臨波瀾渡臣舟棹已遙无緣躬詣不任攀
戀之誠謹奉表以聞

卷二 詩品卷三

梁武帝林隱居論書

近二卷欲少留差為異紙卷是出褒書既須見前所以付
耳元正可取簡於此及欲更須細書如論藏例遠少書无甚
極細書樂毅論乃微廉健思非真蹟太師藏小後方須筆力
過微書若乖異二者已經至鑒此外便无可付也

隱居與武帝論書表

奉旨左右中書復稍有能者惟周書贊夫以舍心之黃
實何矣鍾吐氣今既自上體妙為下理用成工每惟中
鍾王論於天下進藝方興所恨臣沒朽不能鑽仰高深
自謙歎慕前奉神筆三紙并今為五非但字字注目乃
畫畫抽心目覺勁媚轉不可說以酬昔歲不復相類正
此即為稍何復多尋鍾王臣心本自敬重今者弥增愛
服俯仰愧懷不能不以成適伏蒙 二卷伏覽標帖皆

如聖自既不顯垂允少留不能久傳已就摹索者一段未畢不赴令信紙卷先已經有燕多他雜无所復亦請同俱了日奉送燕此諸書是篇章體臣今不辨復得脩習惟願細書如樂毅論太師箴例依倣以寫經傳永存寶題中精要而已

再卷後跋

又省別疏去故當宜微以著賞此既勝事雖風訓非無云云然非所習聊試貽言夫運筆邪則无芒角執手寬則書緩弱點畫短則法離腫點擊長則法離漸畫促則字橫畫疎則形慢拘則之勢放又少則純骨无媚純肉无力少墨浮溢多墨笨鈍比並皆然任之所之自然之理也若抑揚得所趣舍无違值筆連斷觸勢峯巒揚波折節中規中矩不問下注濃纖有方肥瘦相和骨力相稱婉婉曖曖視之不足稜稜凜凜

卷上 諸制卷四

常有生氣適服合心便為甲科衆家可識亦當復貫串耳六文可工亦當復由習耳一聞能持一見能記且古且今不无其人大抵為論終歸是習程邈所以能變書體為之舊也張芝所以能善書工學之積也既舊既積方可以肆其譚吾少來乃至不嘗書甲子无論於篇紙老而言之亦復何謂正足見強於當今貽笑於後代遂有獨寵之言覽之背熱隱真於是乎累真矣此直一藝之精非吾所謂脉事此道心之塵非吾所謂无欲也

樂毅論愚心近甚疑是摹而不敢輕言今自以為非真竊自信頗涉有悟歲歲過為淪弱許靜素段遂蒙永給仰銘矜獎益无以喻如此書雖不在法例而致用理均背間細楷燕復兩玩先於都遇得飛白一卷云是逸少好蹟臣不啻別見无以能辨惟覺勢力驚絕謹以上聖

於臣非用脫可充閣額仍以奉上臣昔於馬澄處見逸少正書目錄一卷澄云右軍勸進洛神賦諸書十餘首皆作今體唯急就章二篇古法緊細近脫憶此語當是零落已不復存澄又云帖註出裝者皆擬齊諸王及朝士臣近見三卷首帖亦謂已久分本不敢識此正復希於三卷中一二備更得預出裝之例耳天自遂復頓給先卷下情益用悚息近初見卷題云二十三已欣其多今者賜書第至二百七十惋訝无已天府如海非一簞所汲良用息心前後都已蒙見大小王卷於野拙之分實以過幸若此殊恩豈可缺望愚固本博涉而不能精昔患无書可看乃願作主書史晚受隸法又羨典掌之人嘗言人生數紀之內識解不能周流天壤區區惟充恣五欲實可愧恥每以為得作才鬼亦當昧於頽仙至

卷上 諸制卷五

今猶然始欲翻之自无射以後國政方殷山心歎豎不敢復以虛閒塵觸謹於此題事遂成煩蹟伏願聖慈照錄誠慙

不區別諸書良有精賞所異同所未可知悉可否耳給事黃門二紙為任靜書觀所送靜書諸字相附近二紙靜書體解雖便當非靜書後當以點書波擊論極諸家之致此亦非可倉卒運於豪楮且保拙守中也許任二蹟并摹者並付反

一一卷中有雜蹟謹疏注如列怨未允愚衷并竊所摹者亦以上呈近十餘日精意悚悸无寧涉事遂至繕楷不宜復待填畢餘條並非用惟昨夜威輦二篇是經書體式追以單郭為恨伏按卷上第數甚為不少前旨准有四卷此似是宋元嘉中撰集當由自後多致散失逸少有各之迹不過數首黃庭勸進像贊洛神此并不審

猶得存者

第二十三卷

今見有十三條在別紙

按此卷是右軍書惟有八條前無

毅論書乃極勁利而非甚用意故頗有穠字太師歲大

雅吟用意甚至而更成小拘束乃是書扇頭屏風好體

其餘五片无的可稱臣濤言一紙此書乃不惡而非右軍給事黃

門二紙治庶應一紙是子敬書後又治應狸骨方一紙是子敬書

右四條非右軍書

第二十四卷

今見有

按此卷是右軍書者唯有十一條

抱懷幽痛一紙是張芝書五月十一日一紙是王羲之書尚想黃綺

一紙遂結滯一紙是張芝書不復展一紙是子敬書便復改月

一紙是張芝書五月十五日錄白一紙亦是王羲之書治歎方七紙

是謝安書

右十條非右軍書

伏思未垂許以區別今謹上許先生任靜書如列此方

即可知王派張澄張翼謝安書公家應有

鍾王乃有一卷傳以為真意謂是摹學多不足論有兩玉

元末繼以齊代名實脫略海內非惟不復知有元

於逸少亦然非排棄所可點涅而不淄不過數族今奉

此論自舞自跳未足逞泐願以所摹竊示洪遠思曠此

二人皆是均思者必當贊仰踴躍有盈半之益臣與洪

遠雖不相識從子翊以學往來因之有會但既在閣恐

或已應聞知摹者所裝字大小不堪均調郭看乃尚可

恐筆意大殊此篇方傳千載故宜令跡隨矣所奉三紙

伏猶字跡大覺勁密竊恐既以言發意意則應言而心

隨意運手與筆會故益得諸稱下情歡仰寶奉愈至世

論咸云江東无復鍾蹟常以歎息時望中原廓清太

丘之碑可就摹採今論自云真蹟雖少可得而推是猶

有存者不審可復幾字既无出見理冒領得工人摹填

數行脫蒙見賜實為過幸又逸少學鍾勢巧形密勝於

自運不審此例復有幾紙垂首以黃庭像黃等諸文可

更有出給理自運之蹟今不復希請學鍾妙仰惟殊恩

又啟

武帝進玄通記手詔

省疏并見周氏遺蹟真言顯然符驗前詔二三明白益為奇特四奏今留之見淵文并具一二惟增降款 十二月二十日

隱居進周氏玄通記感

某啓去十月將末忽有周氏事既在齋禁无由即得感聞今謹撰事蹟凡四奏如列上呈但其覆郵疑網不早信悟迨自各悼分貽刻實淵文口具陳述伏願宥以簡情謹啓

卷二 詔制卷八

唐詔

太宗賜王法主詔

先生操履夷簡德業冲粹屏棄塵雜栖志虛玄吐故納新食芝餌木會衆妙於三清之表返華髮於百齡之外道邁前烈聲高自古非夫得秘訣於金壇受幽文於玉笈者其孰能與此乎朕昔在藩朝早獲聞道眷言夙範无忘寤寐近覽來奏請歸故山已有別勅不違高志并許置觀用表宿心未知先生早晚以届江外所營棟宇何當就功佇聞委曲副茲引領近已令太史令薛願往宣朕意 貞觀九年 事見舊唐書本傳

高宗贈王法主詔

門下故王清觀道士王遠知性含紫質跡徇幽玄體茲縣解見稱先覺自締構之初迄光華之旦綢繆恩遇事昭綸緯仙化不返英靈浸遠眷言留馬宜有褒崇可贈太中大夫謚曰

卷二 詔制卷八

昇真先生主者施行 調露二年二月七日

勅旨潤州太平觀道士宜準七寺等例度滿七人如後有缺隨即簡度訖申 調露二年二月廿五日

武后加贈王法主詔

門下子喬羽化或留連於故祠康成道存尚延佇於舊邑矧夫跡膺仙錄名偶聖朝追想遺塵載殷遠念故王清觀道士贈太中大夫昇真先生王遠知性與道合神從化將初窮帝解之微自得天倪之理時應三代韞秘術以輔光年逾十紀屬睿圖之盛運歲往知來察幽鑒遠亟符先渥緬惟贈恤之恩聿申後命宜峻褒崇之禮可贈金紫光祿大夫昇玄先生餘如故主者施行 嗣聖元年正月二十八日

玄宗賜李玄靜先生勅書 凡五通

勅丹陽郡太守林洋及道俗父老百姓等朕遠遵玄妙載想

靈仙春茲茅山是為天洞瑤壇觀餘址尚存道要真經數
落將盡永言法寶良用慨然今為黎元大崇道本故令清修
之士建立真儀訪述靈山以新觀宇庶使玄宗再聞瞻奉知
歸降福靈瀛致之仁壽也又比年以來每導清靜官更有備
良之美農桑屬豐稔之期百姓之間庶无之絕也微寒卿及
道俗父老百姓等並平安好遣書指不多及

勅江東道採訪處置使晉陵郡太守董琬山岳上疏分野下
鎮方隅降福祐於人施雲雨之惠且茅山神秀華陽洞天清
教之所源羣仙之所宅固望秩之禮雖有典常而崇敬之心
宜增精潔自今以後茅山中令斷採捕及漁獵四遠百姓有
喫葷血者不須令入如有事式申祈禱當以香藥珍羞不
得以牲牢等物卿與所由存心檢校漸寒卿得平安好
勅廣陵李鍊師上清品人也抗志雲霞和光代俗為予脩福

卷二 詩制卷十

靈迹將赴金壇故賦詩寵行以美其志

紫府烟霞士玄宗道德師心將萬籟合志與九仙期絕俗遺
塵境同人喜濟時訪經游玉洞敷教入瑤坪茅嶺追餘迹金
壇赴遠思陰宮看舊記陽觀飭新祠緬想雙壁長懷襟
五芝真靈若可遇鸞鶴佇來茲

尊師抱一守中操微昭遠能回貞潔發揮道門遂與太和先
生啟是仙宗起予虔奉崇飭靈迹廣求真經則詩以寵行物
將厚意永慰岐路以軼禮賢也所謝知

勅鍊師李含光道高紫府學挹黃庭貴然來思式敷至妙既
而屬念茅嶺言訪真經近出咸秦遠游方外朕載懷仙境延
佇勤脩將使九有之人同歸玄教三清之衆俯鑒遵行豈待
夢寐華胥誠碧落而已想尊師建立真儀所脩壇宇初至
經緯殊用勞心甚寒得平安好遣書指不多及

勅鍊師李含光昨程元還至得所進圖具規矩矣然崇飾仙
觀祈盟真游若不由遠清閒豈降霓裳羽蓋且在科儀猶有
差降至於仙真道衆故亦不可同居所置紫陽觀大院內更
不須著人居止但作虛廊四合清瀟殿堂以脩香火用候雲
駕其道衆等列院安置今具作圖往應所添加亦入支料矣
尊師體真遠識含和內融必能上合靈仙之心下副欽崇之
意也甚寒得平安好遣書指不多及

勅鍊師李含光尊師遠訪名山精求至教建立壇宇載寫真
經庶事用心殊勞倦也朕志求道要緬想真仙將憑潔誠以
備玄妙今以十八日清齋潔壇以受經誥靈仙降祐所有證
明今將詞及香信等件尊師當為宣揚科儀奉詞陳謝庶上
達仙宮下垂昭應甚暄尊師得平安好遣書指不多及
勅李鍊師道者是乃有之宗法者是九真之契大聖以垂教

卷二 詩制卷十

後學以進脩弟子以欲敬受經法以未詳嚴秘又真經散逸
紙墨處多近訪得天真遺蹟至於科儀无不條備加以摹寫
一依戒旨喜夙志之見遂荷真靈之降恩以今月十八日仰感
三清尊君太師玄師真師潔齋受訖載捧真文恭披鳳篆將
以運心太虛之境以養谷神之壽也其晚信具依經傳造是
今并投詞封以附往尊師體道之要含光之和清簡无為与
予合志請為弟子以前件詞及晚信投茅山華陽洞天金壇
靈府以為明信用證勤精夫有德者尊以美号則葛洪者抱
朴之稱陶君有貞白之名永言前脩事實不遠今号尊師為
玄靜先生以昭懿德重高行也故令使往甚暄尊師平安好
遣書指不多及

尊師秉德之和操德之要為弟子親藏晚信以啟靈真且以
号以表精脩衣服者所以展誠敬是中崇尚之意式贊仙階

之美也所謝知

尊師所奏靈芝信殊祥也若采雲繁布比芳蘭芬馥當紫陽之福地叶丹誠之吉徵遠與大同玉芝遙為合應斯仙真上祐尊師潔誠是降休徵用深慶慰今令將詞及香授謝天洞式憑高德以達虔心也

靈芝者和氣以生真仙監植昔軒轅至道三秀屢芳永惟禎符載瑞茲日黃輝朱采八十一莖色叶金方數應陽吉或連附並夢或雙本同枝出天洞以敷榮就藥壇而結秀實曠代嘉貺至感殊祥尊師既陳詞達誠遠致真錫弟子敬受元吉當服餌焉甚熱平安好

勅著言仙府旁連洞宮青壇舊居緬然靈迹紫臺新宇煥啓真宗式彰崇奉之誠爰置葺脩之戶尊師等副朕茲意清靜實持也

卷二 詩訓卷二

勅尊師道德之重仙真所欽是以脩齋必有精感況山惟地聯會司命之福庭壇迹天宮則真人之舊館演弟子勤志致蒼生壽域遙東望日夕傾心至于開春佇迴風馭以慰渴賢之想來敷玄妙之教也初秋尚熱尊師平安好遣書指不多及

勅爐開仙藥九真示傳院合靈芝三茅監植微之玄錄蓋未曾聞唯魏伯陽豫地於前今李越成効之於此朕當齋心以伺專使往迎與尊師同承道錫也所賀知

勅朕每重清真親乎有道而覽茲誠請義在難違俾遂遐懷以就醫藥亦既痊損當早來旋

詩送玄靜先生暨還廣陵并序

玄靜先生稟和清真樂道盡樞頌來城關善利同人緬思林泉洗心外俗予嘉焉重焉式遂其意言念于邁賦詩寵行

楊許開真錄夫君密契傳九星連紫蓋雙景合丹田玉簡龜臺職金壇洞府仙猶期御風便朝夕俟冷然

敬問玄靜先生先生秉潔白之節得黃中通理學徧九流通守玄默心游八景益混光塵則密行高迹良可歎矣然能屈獨往之心廣弘濟之道細迪真祐深啟淳源知前後所脩功德皆有感應瞻望東南馳心日夕今附物及香素手尊師更為九度脩功德也庶使蒼生承日用之福外化有歸順之心天下和平惟道所庇脩功德了當整迂風馭一至京來甚寒尊師吐清暢唐師回遣書指不多及

齋醮之儀願有模楷將致誠懇必仗精脩故屈尊師敬申妙旨知己事畢良多愧也所謝知

尊師思慮就精虔心齋潔致福利物其功實多況擇高流同勤至道精脩不急嘉尚弥深香信之資用昭誠意也

卷三 詩訓卷三

尊師以至道妙用精誠感真薦福朕躬居寧寧宇俯及長至來慶休祥履端之吉是與同也遲至來春共尊師相見敬問玄靜先生昨弟子唐若倩至具知去月十一日功德事畢夫以至誠之心精脩之感壇在仙境宜按沖科下庇蒼生上資宗社永求福應玄感昭然及知天地至和人神胥慶以降甘露以表休符則視履考祥其旋元吉今歲聿去暮瑯璣行不愧再勞事緣万姓今附香信往至年下且請尊師於所居脩功德以助履新至來載春和復請尊師於茅山上為宗社下為黎元脩河圖大齋應緣功德之物觸新再造無以多勞所利者廣又道德相親氣味縣合諸山聖蹟多有異人若有訪尋尊師當為弟子招致也甚寒尊師道休安和唐若倩還遣書指不多及

尊師上清真脩下和仙教為朕致福以庇蒼生三皇秘教已

應河圖內記析延福祥虔誠之心遙屬茅嶺所寄少物
宣卷勤勞春景漸和尊師比如宜也

詩送玄靜先生歸廣陵并序

練師氣遠江山神清虛白道高八景而學兼九流每發揮玄
宗成迪仙籙延我以玉皇之祚保我以金丹之期敬焉重焉
深惜此別因賦詩以餞行云耳

默受王倪道逾深尹喜師欣同八景會更叶九丹時鸞鶴遙
烟境江山渺別思當還洞府日留念上京期

尊師以道樞和濟以真宗成迪來致玄妙去還雲山詩以見
懷用軫惜別也所謝知

肅宗賜玄靜先生勅書

勅李含光師久契真要深通玄微游逍遙之境得朝徹之道
上皇疇日順風見知今乃練真名山良多景慕也況茅君洞

卷二 詔制書

六仙經所稱靈化往來神藥秘師當閱金籙之秘訣術玄
宮以清精驗消災之方効長年之術尤宜精勵庶表齋功夏
熱師得平安好遣書指不多及

勅李含光師深通道妙久著名聞昔茅君之山今洞真之奧

以師德行良景慕之朕頃愍干戈掃除凶寇保全百姓克定
兩京上皇聖駕迎還宮闕得此定省慶慰自天仰荷玄元之

祐再成宗社之業亦師精脩願力有以助之必須加意壇場
潔精香火廣上皇之福壽俾六合之康寧靜正道門當在師

也所謝知

脩造紫陽觀勅牒

茅山紫陽觀右臣奉勅与脩功德使玄靜先生李含光內議
者監程元選等同檢校脩造前件觀並了并設齋謝上訖去
九月廿二日錄奏奉勅宜付所司脩造觀迴殘錢二百四貫

二百八十五文右脩造外有前件迴殘為造觀成附奏奉勅
便賜觀家充常住郡司已準數今付三綱訖臣又与觀主道
士劉行矩寺商量請於便近縣置一庫收貯每月納息充常
住其本伏望長存 觀額及徒衆先受地頃畝並是今載所
收納苗子支來載粮亦充并觀內先有奴婢四人小牛六頭
車一乘見在右臣今對所管縣官及三綱檢責觀內先有前
件產業數勘覆並同其粮食已有歲支來春請加營種 觀
內什物五行寺右觀家先有什物數少昨脩功德使程元選
奉勅支供黃籙齋外有迴殘銀一百兩令臣分付觀內徒衆
將回市所欠什物等並令充足 觀內松竹菓木寺右臣伏
以觀在茅山羣仙所集院宇雖則華壯松竹先多欠少比為
非時未由種植請至開春專令裁蒔并於南池種藕庶望周
徧謹具以聞丹陽郡太守林洋奏件狀如前

卷二 詔制書

中書門下牒丹陽郡縣奉 勅宜依牒至準 勅故牒

天寶八載正月八日

左相兵部尚書陳希列 左僕射兼右相林甫

玄靜先生等表奏附

道士臣含光言今月十八日品官王遊仙宣口勅賜臣

法衣六副又今日將軍高力士宣旨賜臣御製詩一首

繼二百疋并香鑪等臣雖在道流素无深識因遇聖代

仍荷國恩寵蒙羽服出自天府神筆眷藻頓集微軀臣

之叨受實踰涯分臣自嬰風疾十載有餘形骸力弱觸

事俱廢惟願香鑪致福上答聖躬終此餘生不敢有二

无任恐懼之至 天寶六載九月廿五日

道士臣含光言今月二十四日中使啖庭瑤及道士唐

若倩賁跪物并詞至山即以二十五日与庭瑤若倩賁

華陽洞門燒香讀詞燕巖曉信至暮事畢臣又奉勅書錫弓并賜法衣忽承聖旨進退惶懼臣以僥倖頻忝國恩功微德薄寄情靡所不勝悚荷之至因投曉已了謹遣楊慎奢奉表陳述并謝以聞 天寶七載三月廿六日 臣舍光言竊見紫陽觀東隱居先生舊合丹所忽生芝草八十一莖形狀瑰奇光采秀麗根憑松石氣鬱蘭荃斯實曠代希有當今罕見伏惟 陛下推誠洞府展敬无虧曠言紫陽載興脩葺是以神物繁植用表吉祥况与知願會去聖德所感莫不喜悅臣不勝欣躍之至謹遣楊慎奢奉表以聞今圖寫芝形委曲詳辦事畢之日別差使上聞 天寶七載五月二十日 臣舍光言今月十八日中使啖庭瑤賁御詞并香至山臣即於昨十九日與庭瑤及同法劉行矩等詣紫陽觀

卷三 詩集卷六

東大嶺山石燒香感真密宣詞旨以今月依法採芝其芝草大小八十一莖感感如別无任喜懼之至因庭瑤謹奉表以聞 天寶七載六月二十日

道士臣勳俗言伏奉五月十三日恩制紫陽觀取側近百姓二百户太平崇元兩觀各一百户並蠲免租稅差科長充脩葺洒掃者實以光昭洞府永構玄門掃饒開清神之地場施力增人户之福伏惟

開元天寶聖文神武應道皇帝陛下廣崇道化克著真宗重闡徽猷尋倫法要遂使靈山祠宇載葺類細茅許仙居感蒙愈切臣等愚昧濫在法流叨沐殊恩曲霑霽澤所以遠馳丹禁踴瞻天庭无任感荷喜抃之至謹躍龍門奉表陳謝以聞 天寶七載八月十一日

丹陽郡紫陽觀道士楊慎奢等上表

臣舍光言臣弟子唐若倩与前句容縣令李越成進芝并奏以今日到伏承聖旨生藥院數表于丹化神鑪光踰九轉自非聖德至重希代神物无由卒至謹按奏同契論此丹云帝王永御千秋常存既未聞於往日實有微於聖代不勝慶躍之至謹奉表陳賀以聞 天寶十載八月二十七日

天寶十載九月十日

臣舍光言昨十四日內侍奉恩賜宣口勅以御製送臣歸廣陵詩一首見賜伏惟 陛下虛已應物臣細无遺爰寄睿懷降茲神筆翰無雲篆之妙詞發玉晨之音願

卷三 詩集卷七

漸優渥捧對无倦臣行裝已辦即日戒塗遠達關廷但深愧應 天寶十載九月十五日

臣舍光言季夏毒熱伏惟聖躬起居萬福去月八日中使啖庭瑤至山宣口勅以所賞繼二百疋并香三合令臣於茅山用施齋醮并賜臣衣兩副臣謹承聖旨於紫陽觀東齋同山右別立靜院取今月二十七日人空感齋二十八日寅時為正齋之始自此之後以漸遵行計至冬間法事乃畢務盡心力以求感通但臣无功每蒙賜及伏增戰慄今供擬已辦謹遣弟子唐若倩隨中使齊令說奉表以聞 天寶十一載九月十九日

臣舍光言曷度環周日長南至伏惟 陛下膺納乾祐慶无不宜臣等今於茅山為國焚脩齋醮无任欣悅之至謹遣中使啖庭瑤起居謹奉表以聞 十月廿五日

臣舍光言前所奏請紫陽觀東嶺岡山右奉脩齋自六月廿七日起首行道至今月七日冬至日初出時緣是齋人及中使齊令誦等咸見齋壇四遠松對悉有甘露其白其氣香其味甘其松去壇漸遠者而露亦漸少計今凡降甘露松對都有二百三十株謹按道德經稱天地相合以降甘露人莫之令而自均焉玄聖著經以為嘉瑞齋醮遇此又為吉祥敢不以聞謹遣弟子唐若倩隨中使齊令誦奉表供進甘露二合

臣舍光言孟春猶寒伏惟聖躬起居萬福去載十二月廿五日中使啖庭瑤及臣弟子唐若倩等至伏奉恩勅勞問臣蒙賜綰百疋行道道士賜綰二百疋又奉聖旨以奉命紫紋七十疋五方紋縐各二十疋銀五百兩令臣依河內扁奉脩齋謝并餘功德臣爰以去載十二

卷上 節制卷十八

月晦及今載元正之日先於廣陵郡大唐廣業大龍興觀謹脩歲節吉齋以助履新之慶今又於茅山紫陽觀中設舉同法有戒行者共營齋具講習之儀務令合法然後施用至夏齋畢隨事上聞但臣自顧非材謬忝道法不以庸淺頻荷國恩雖竭愚誠豈酬萬一无任悚懼之至 天寶十三載正月廿五日

臣舍光言仲夏炎熱伏惟聖躬起居萬福臣先奉聖旨令於茅山脩奉河圖齋謝頻屬霖雨遂關施行至今月八日夜始就宿感次九日十日夜依法正齋并伸禮懺次十二日江中授辭以望日設齋飯賢自始及終頗為周悉但臣等學非師授材愧聰明雖謹按成規而所疑未洗不勝惶懼之至謹遣唐若倩奉表以聞 五月廿五日 臣舍光言昨十日中午使孟游仙貴勅至茅山脩功德所

仰感聖恩伏增恐懼先於此山與諸道士能戒行者共遵香燈之務庶以助國扶教消災致福但臣等雖班法任愧乏感通區區之心不敢有二因孟游仙使回謹奉表上謝以聞 至德二載六月十二日

右勅書并表奏唐貞元十四年刻石

大和紫山勅牒

潤州三茅山 大茅山西面到平地路三里內有太平觀南面到平地路三里內有華陽洞南門崇元觀道祖院東面到平地路四里東北長嶺緣嶺脚不斷接連並平路是界北面連積金嶺內有華陽洞西門及祠宇 中茅山西面到平地路三里內有三茅廟及祠宇東面到平地路三里南面連積金嶺北面連小茅山 小茅山西面到平地路三里西北至雷平養龍池郭真人塘紫陽觀南面連中茅山東面到平地三

卷二 節制卷一

里北面連大橫山內有燕口洞并祠宇北至大橫山鍊丹院三里

右茅山三觀威儀道士孫智清等狀華陽洞天衆真靈宅先奉恩旨禁斷戈獵樵蘇秋冬放火四時祭祀咸絕牲牢自經艱難失去元勅百姓不遵舊命侵占轉深採伐山林妄稱久業伏請重賜禁斷準法護持差置所由切加檢察庶得真場嚴整宮觀獲安具元禁疆界如前中書門下牒茅山三觀等奉 勅句由靈山洞宮所在恭惟列聖嘗亦欽崇宜禁樵蘇以申嚴敬其茅山界內並不得令百姓戈獵採伐及焚燒山林仍委州縣切加禁止牒至準勅故牒 大和七年十月四日

中書侍郎平章事李德裕 檢校右僕射平章事牛勣 茅山志節制第一篇上卷之第一

茅山志詒副墨第一篇下卷之第二

宋詒誌 上清嗣宗師劉 大彬 造

大中祥符初禁山

訪聞茅山界內祠宇宮觀之側對木多有諸色不顧備法搜行樵採及放野火焚燒山林須議專行指揮國家方延景貺以祐蒸民眷彼名山存於方志或仁慈所治或真侶攸依是為降福之場允謂栖神之所故宜加禮敬恭儲休豈可斤斧斲臻樵蘇無節致嘉生之固植使靈蹟以何觀爰伸禁心之文用表肅恭之意今下潤州昇州侯宣命到於茅山四面立之界止嚴行指揮斷絕諸色人并本山宮觀祠宇主首以下自今後不得輒有樵採斫伐及放野火焚燒常令地分巡檢官吏耆老壯丁覺察檢校如有違犯即便收捕押送所屬州縣勘

卷三 詒副墨一

斷訖令衆半月滿日疎放如所伐數多情理難恕即仰收禁奏候指揮當行決配如是逐處宮觀祠宇之外元有供燒柴薪不係古蹟之內久未存留對木即仰本縣官吏與宮觀等主首同共指定界以緊立標記方得採取若是已有斫伐延燒到對行稀疎處亦仰隨處州縣勒定數目去處常依時栽種補填務要別元空闕即不得輒便播擲仍將此宣命指揮於宮觀門首及往來要路鑿石曉示知委

大中祥符二年奉 勅如右

明肅劉太后賜朱宗師御札

金注子底水一副共重三十兩是 皇帝小時使底與道者充貢田土供贍道衆齋糧燕遂日持課祝延 皇帝聖壽長命安樂水離災輶與彼處知州同共商量貢田土好莊子令任文慶與知州同共收買回日畫取圖子來

崇寧加封三茅君詒

詔勅門下句曲洞天有真人焉變化无方靈妙不測秦漢而降應千餘年續祀茲祥澤于生民而隆名徽稱猶或未備非所以極崇奉之誠也茅山大茅君今号太元真人東岳上卿司命神君可進号太元妙道真人東岳上卿司命神君中茅君今号之錄右禁真人可進号空錄右禁神靜真人小茅君今号三官保命真人可進号三官保命神君惠真人庶幾道和氣獲嘉應以助我國家太平无疆之福故茲詔示想宜知悉 崇寧元年四月二十七日

徽宗賜劉宗師勅書并詩

崇寧元十四十一通 大觀元三十一通

勅劉混康自別以來必守安靜尔冲和養氣得其妙道學術精深博通與自救危難以積善觀德業以養高小大之事常所訪問盡規極慮頗勤忠恪濟人利物功莫大焉近覽所奏

卷三 詒副墨二

並皆准允已差却隨車董其事餘地土等亦一一應副更有所需依前奏來 崇寧元年七月六日降到

勅劉混康脩真務本高道有常之士學業為心去執忘貪之德特守去病之術普設濟人之方尔自離關下將周歲紀近覽來奏喜聞安靜所乞立未事已降指揮脩建本觀所要疾速選定日期興工如遂旋有關一奏來春氣漸和自加調適謹奉天時以滋妙道 崇寧二年正月九日

勅劉混康尔自別京師條改歲華完脩祠殿備悉勤勞近覽奏章具知安裕所云殿名以天寧萬福可也其清靜經並依

所奏尔肅恭祀事達于上境所見灾祥何不具奏此者年表發生之際惟藉膏澤之力迺自春首以來頗愆時雨未濟四郊之農甚慘千箱之望朕心憂懼夙夜匪遑尔當悉心體予至懷用斯懇切之誠精加祈禱之意以名非高道豈達清都

宜將受愈深妙理山林幽靜更保真常 崇寧二年三月廿一日

勅劉混康自別京師屢經歲時撫宣之意惟常累遣還于仲夏畏日水長想尔山居清涼高築道妙之餘動止臻常而脩嚴秘宇精葺必已成就崇奉至真付委加于有德事更有闕典可縷敷陳如所見灾祥須一具奏時正暑炎宜自保練餘勤道業體予至懷 崇寧二年五月廿三日

勅劉混康卿昔寓處都關延對禁廷每陳忠道之誠開益朕躬之志靈心采納豈泯嘉言賜号越常用昭褒顯所有誥一軸今逋付卿至可領也秋氣爽肅燕居練養之餘宜加保護特賜葆真觀妙先生誥

勅江寧府句容縣茅山道士洞元通妙大師劉混康朕執古之道以御今之有嘉与希夷守一之士以正澆漓之習惟尔專氣致柔敷其若朴雖道尊德貴莫之能爵而名實稱謂其

卷二 詩詞卷二

可已乎宜申錫於命書庶淑揚於後學尚推尔素以輔養民可特賜号葆真觀妙先生 崇寧二年七月二十五日

中書舍人白時中行

朕以卿道備德隆陳誠助國特頒異号故顯高仁若以恆務濟功未殫嘉稱誥命宜書紙受勿復固辭想宜知悉

勅劉混康自違京國屢改歲華所思一德之可嘉在我三秋而不忘近收來奏喜知寧謚幸繼先猷緝熙秘宇殿成寶籙

慶 以臻嚴閣崇寧仰上真之來格卿素守虛无越然

高尚齋持秘宇能順育於炎涼靜樂茅峯自安怡於泉石來奏具悉已降指揮差御藥蘇珪提舉管勾應合須索一二中

書自可奏我應副不致有闕也霜秋屆候氣律初寒更臻道妙言不多及如見有何灾異一奏來前者祈求事至今未得感應今次如何也 崇寧三年九月十五日

勅劉混康自別京師屢更歲節栖三茅而浩志潔一己以金直寓迹山居潛心物外緬想道妙冲靜植性清夷順寧懷

養高脫塵寰而悟理茲覽來奏良悲所懷涉冬而乘動心安否知中春詣闕已差使臣張綱澤置其行備委官司一切應副或尚有闕詳具奏來可期觀尔預積欣悅方屆隆冬將迎朔易更在博施真教協濟羣生餘加保練之切用體眷勤之意姑以此書諭指不多及 崇寧三年十一月二十三日

勅劉混康省覽來奏備悉懌隆寒歲暮喜獲安常葺葺葆真尚闕繕用已降指揮應于官吏責以近限併力就功上梁等事各有司存何必告成乃離淵室及漕運經畫一云云訖首春氣暖當先詣闕勿為稍稽以多高憲竚聽舟楫來赴闕閣已差諸司官沿路管勾在理當然難為寢寐體予眷待宜悲至懷 崇寧四年正月十二日

卷二 詩詞卷二

勅劉混康省覽來奏備悉懌隆春首峭寒喜知寧謚尔心志通博純塵慮以保真常識達精微養靈臺而臻妙道自達三茅縈尔一心茲者脩完之役已至丹雘之工委付有司必早周備冲靜是守毋勞神用乃眷尔益欲宣對之懷歟意惟堅宜遂告成之請可依所奏緩候工畢日速赴闕下其張綱已降指揮專一催督應辦去訖并奉命神像遷入法堂權行奉安如更有關一奏來春寒屆候宜加保毓用昭優渥體予至懷 崇寧四年正月二十四日

勅劉混康覽卿來奏備悉懌隆欣富涉春益聞保福中前赴色之書堪有告成之約以謂君子不可以力致方士不可拘縈載詳尔意宜遂厥求俾從達者之道遵式副高人之所請固非少拒勿致深疑况卿洞鑒真元默垂道蔭植性衝冲洞之意崇林多介格之仁神符有濟順天地之生成法力

元窮積陰陽之化育清高可尚塵俗難羈浩然志於林泉
澤素以安於壽考宮宇備完應辦可集已令使役必無緩時
才有畢工之奏速期赴關之行未即對問更希加受故茲詔
示想宜知悉 崇寧四年閏二月三日

勅劉混康卿宅心道妙顯迹神功順四序以凝和寓一身而
水福靈符法水久推濟物之仁保氣存神自得養生之主涉
此畏景想集殊禧比詢入觀之期力有告成之請畢工在途
重諾難渝宜促行裝正風帆可乘之便早登畫鷁當江水善
利之時著矣在候更切保願故茲書示言不多及 崇寧四年五月
勅劉混康省觀來奏備悉所懷涉夏之中提身益福應知工
築僅及於告成將伺舟維屆臨於近甸其如朕勤職事幹集
善能顧惟激勵之風當允誠悅之請指期良觀但日戒行敷
善利於羣生享徽名於大道茲至禮體我眷懷夏熟卿比

崇寧四年六月十七日

平安好遣書指不多及 崇寧四年六月十七日

勅劉混康卿法大道之自然稽真詮之典則順時樂性正一
己之貞心闡教濟人保千齡之上壽朕淵滋久懷想良多累
急待來運今改歲尚有力難之奏猶慮固避之言況予疊命
有司當遂責成董集其工但勿貽慮餘者完繕悉付規模漸
可慶全夫何多遜宜速登舟之備佇聆飛檣之音仙帆風靜
秋水波平乘茲清景勿辭來對若傾詒諭示我春隆將遂觀
言遣書指不多及 崇寧四年七月十八日

勅劉混康自遠皇都屢周星歲居名山而崇秘殿竭丹懇以
奉高真闡揚大道之源昭答上靈之貺葺興觀宇廣集休祥
壯一代之和規衍萬年之景祚凡所陳述皆盡公忠願須來
對從便知居其如退村已行慶分畢役去初慶成就緒當斯
秋景促棹安流天高雲靜蕭晴光千里之平波水翠烟縹緲

素色一帆之輕吹尚測氣力自養清高故以此詔示宜悉者懷
非晚觀言茲惟簡及 崇寧四年八月二十日

勅劉混康省所奏脩造已就緒欲於九月中乘船赴關朝謝
者欣聆畫鷁容與泰淮順伺仙舄翱翔關佇聽希夷之妙
誨欽敷慈儉之溥風治念烹鮮動趨正道霜秋屆候涉履良
勤爰命使華往加撫勞體茲眷異益固冲和宜速進舟慰予
致望秋冷卿比平安好遣書指不多及 九月十二日

勅劉混康心存道要夙契真元久處逍遙之場自得冲和之
旨昨迂芝蓋來叩楓宸遂款秘奧之名言乞還茅峯之舊隱
志堅意切勉從所陳遠達以來倏尔經月每一思念寤寐不
忘扁舟高卧諒及淮楚之畿三秀栖真獲出塵寰之表高風
遐舉良景慕之時當祥暑卿比平安好遣書指不多及
先生自離關下倏忽閱月想以道妙動止冲和每一南望愈

崇寧五年五月十三日

增應慕向者所托奏章之事伺有天意可速奏來及求傷風
符子數十道附遞封進時方炎暑清虛自重想已到宮所脩
如何精神養了与未一一奏來 崇寧五年五月十三日

勅劉混康所奏拜章事具知夫至誠必通精脩有感事具存
於典儀昭著於真科卿虔心請禱齋潔神默契高真獲
通秘旨非夫公忠之內充何得精誠而上達郵音忽至嘉歎
良深昨應離上京巧還舊里三秦勝槩允負高尚之居外聖
所栖克叶潛神之志更宜保練以副虛懷畏暑在序卿改平
安好遣書指不多及 崇寧五年六月二十日

先生離關下來又復累月以日炎暑想以道妙清勝所奏拜
章天意不勝嘉歎自非先生高道洞達何以臻此如更有所
見附黃帝叟來奏得无隱幸也本宮所關亦可一一縷細開陳
潛神之役睹見告切不知所脩可意否 同前

勅劉混康使弟傅希列貴到表章具知刺意蓋无宅心清靜
得无為之妙理通大道之淵源自抵萬寧矧多餘裕三茅紫
府列聖福庭真山所極靈谷如響卿實金錄而練氣秘玉簡
以清脩想得優游必資香火上新宗社之誼寧下濟黎元於
仁壽所馳至意宜亮悉之徒衆忽臨封章來上深嘉遠際益
表勤誠雖尔際違但渴名理潯暑尚熾善衛是宜卿比平安
好遣書拍不多及

傅希列等貴到表章知卿已至无符萬寧宮及知拜章事蒙
上天慈愷敷錫嘉祥卿道慕三茅行遵二許暫來魏關還駐
故山鶴駭難聞每深引嚮近煩慈念通拜寶章祗荷慈愛俯
垂淵鑒丁寧天訓警悟不忘夙疾欽崇以酬昭貺炎暑方隆
保愛是宜餘具詒意
奏事逐一降指揮訖如更有所關但一見示提舉官已差

卷三 詩詞卷二

楊戩額額已書知之蔡下亦已撰文先生自來賴直有所聞
見灾福但詳細密奏花木已收瑞香尤佳傅希列回付詒書
等及賜祠部餘各賜紫衣師号親書畫扇暑熱可以合風鏤
心符于告求數貼

傅希列等回附物下項
沈檀笈香各二十斤 生熟龍腦五斤 降真香十斤
御書畫扇頭十箇 四味菓子廿簍 香藥二合

崇寧五年七月初四日

勅劉混康卿夙臻要妙志尚清虛朕遐想高風无忘朝夕載
彼貞情之勤心益表公忠於王室言念及斯良深嘉歎所陳
情悃並即施行永勝先登許焚脩之徒衆潛神官屬第推覺
於陋質成命已頒可悉亮也朕欽崇大道景仰靈輿是述志
以昭切故開山而建宇畢工來上欣懌交懷所期大闢真風

錫蕃禧於黎庶精治法錄永協贊於不基諄誨以通神襟善
護秋涼卿比平安好遣書拍不多及 七月二十日

勅劉混康省所上表乞差官撰述宮記事具悉茅嶺幽栖積
金舊址眷念靈宅旁連洞宮啟瑤臺之新府大煥煥於真風
宮宇落成豐碑可俟命碩儒以製文及親題於碑額非特為
一時之盛事抑以垂前人之休聲卿當慎擇高流同勳至道
精脩不懈乃清所瞻每思心要常懷儀刑願川塗之修阻想
會晤之尤賒其親書碑額及蔡下所撰書記今差使臣管押
前去至可領也秋涼卿比平安好遣書拍不多及
先生養素金壇策名紫府昨自仙舟東下日深懷想近來秋
氣頓清緬惟道體和裕未涯訪道惟切傾思保練潛神副予
睎矚其碑額等今已書畢遣人降賜餘有所陳俱具奏章
崇寧五年八月二十日

卷三 詩詞卷二

勅劉混康極真有素守道无渝功行益隆聲華夙著即万寧
之燕處奉大籙以精勤博濟羣生咸趨善化擴尔无為之妙
相予可致之祥益名以實素禮緣德稱宜錫褒嘉之寵用延
和遠之休法号增崇僉言惟允往即欽承毋或遜避所有諸
命今附遞賜至可領也時當素秋卿比平安好遣書拍不多及
朕以先生棲真句曲養素潛神符水施功慈濟遠近嘗抬鶴
叙論道宣和感迪无為輔成靜治欽承微妙寤寐不忘近以
宮宇告成特加先生冲和二字其告已入達附賜當體眷遇
時宜至言造闢未涯尤希保壽

傅希列等奏宮門牆宇等事乞脩治已令有司火急應副物料
料木等資立近限速令畢集无致逗遛稽緩去訖如先生更
有所關但具奏无隱也傷風符鎮心壓驚佩帶符子各求數
十道幸甚